



Saksframlegg

Arkiv: K1-141
ArkivsakID: 25/156
JournalpostID: 25/3298
Sakshandsamar: Anne Kristine Dyrdal
Dato: 20.10.2025

Saksnr. utval	Utval	Møtedato
069/25	Formannskap	29.10.2025
059/25	Kommunestyre	06.11.2025

Vedtak om høring på Solund kommune sin samfunnsdel 2026 - 2038

Kommunedirektøren sitt framlegg til vedtak:

I samsvar med plan- og bygningslova § 11-4 vedtek Solund kommunestyre å legge utkast til samfunnsdelen til kommuneplanen for Solund kommune 2026-2038 på høring. Høyringsperioden vert sett til 6 veker.

Arbeidet med handlingsplanen vert slått saman med økonomiplanprosessen i tråd med det som er beskrive i saka.

29.10.2025 Formannskap

Handsaming:

Votering:

Kommunedirektøren sitt framlegg til vedtak vart samrøystes vedteke.

FOR-069/25 Vedtak i:

I samsvar med plan- og bygningslova § 11-4 vedtek Solund kommunestyre å legge utkast til samfunnsdelen til kommuneplanen for Solund kommune 2026-2038 på høring. Høyringsperioden vert sett til 6 veker.

Arbeidet med handlingsplanen vert slått saman med økonomiplanprosessen i tråd med det som er beskrive i saka.

06.11.2025 Kommunestyre

Handsaming:

Felles framlegg om endring:

Nytt kulepunkt under 2.1 Solundsamfunnet om 12 år

"Vere i forkant for å sikre/ha relevant forskningsbasert kompetanse for å sikre høg tenestelvalitet i alle ledd"

Ny setning under Kultur, idrett og friluftsliv. Avsnitt 2:

"Tilsvarende gjeld for Norsk idrettsinndeks."

Endring av 2. avsnitt i vedtaket:

Føringane i samfunnsdelen vert lagt til grunn i arbeidet med økonomiplanprosessen.

Votering:

Det vart fyst røysta over felles framlegg om endring.

Felles framlegg om endring vart samrøystes vedteke.

Det vart så røysta over den versjonen av samfunnsdelen som vart utlevert i møtet med vedteke endringar.

Samfunnsdelen som vart utlevert i møtet med vedteke endringar vart samrøystes vedteke.

KOM-059/25 Vedtak i:

I samsvar med plan- og bygningslova § 11-4 vedtek Solund kommunestyre å legge utkast til samfunnsdelen til kommuneplanen for Solund kommune 2026-2038 på høyring, med fylgjande endringar:

Nytt kulepunkt under 2.1 Solundsamfunnet om 12 år

"Vere i forkant for å sikre/ha relevant forskningsbasert kompetanse for å sikre høg tenestelvalitet i alle ledd"

Ny setning under Kultur, idrett og friluftsliv. Avsnitt 2:

"Tilsvarende gjeld for Norsk idrettsinndeks."

Høyringsperioden vert sett til 6 veker.

Føringane i samfunnsdelen vert lagt til grunn i arbeidet med økonomiplanprosessen.

Høyringsperioden vert sett til 6 veker.

Aktuelle lover, forskrifter, avtalar m.m.:

Gjeldande samfunnsdel for Solund kommune 2020 - 2030:

https://www.solund.kommune.no/api/presentation/v2/nye-innsyn/filer/v-e8f93b5a_de8c_4fed_8410_71ae71ffb04f-95849_1_A!d-2020002938!FJfNYk?pid=3

Kunnskapsgrunnlag til kommunal planstrategi:

https://www.solund.kommune.no/api/presentation/v2/nye-innsyn/filer/v-e8f93b5a_de8c_4fed_8410_71ae71ffb04f-125416_1_A!d-2022009722!B4LUfa

Kommunal planstrategi: https://www.solund.kommune.no/api/presentation/v2/nye-innsyn/filer/v-e8f93b5a_de8c_4fed_8410_71ae71ffb04f-128086_1_A!d-2022010725!bfr0hW

Planprogram revisjon av samfunnsdel: <https://www.solund.kommune.no/f/p3/icb701d43-3ba5-4bae-b891-d2db3f2c6b0d/planprogram-kommuneplanen-sin-samfunnsdel-solund-kommune-2024-vedteke.pdf>

Arbeidsverkstad 25. januar 2024: Lenke til notat med meir:

<https://www.solund.kommune.no/tenester/prosjekt-og-overordna-planar/planar/kommunal-planstrategi/arbeidsverkstad-i-kommunestyret-25-januar-2024.40909.aspx>

Arbeidsverkstad 15. februar 2024: Lenke til notat med meir:

<https://www.solund.kommune.no/tenester/prosjekt-og-overordna-planar/planar/kommunal-planstrategi/arbeidsverkstad-i-kommunestyret-15-februar-2024.40933.aspx>

Arbeidsverkstad 28. februar 2024: Lenke til notat med meir:

<https://www.solund.kommune.no/tenester/prosjekt-og-overordna-planar/planar/kommunal-planstrategi/arbeidsverktstad-med-lag-og-organisasjonar-28-februar-2024.40950.aspx>

Høyringsvedtak 18. april 2024: Lenke til sak: https://www.solund.kommune.no/politikk-og-administrasjon/om-oss/innsyn-og-postliste/moteoversikt/#/details/m-e8f93b5a_de8c_4fed_8410_71ae71ffb04f-975!04uivR

Vedtak av kommunal planstrategi 13. juni 2024: Lenke til sak:

https://www.solund.kommune.no/politikk-og-administrasjon/om-oss/innsyn-og-postliste/moteoversikt/#/details/m-e8f93b5a_de8c_4fed_8410_71ae71ffb04f-976!AlyOZA

Vedtak av planprogram til revisjon av samfunnsdelen 26. september 2024:

https://www.solund.kommune.no/politikk-og-administrasjon/om-oss/innsyn-og-postliste/moteoversikt/#/details/m-e8f93b5a_de8c_4fed_8410_71ae71ffb04f-977!DGns5D

Drøftingssak 20. mars 2025: https://www.solund.kommune.no/politikk-og-administrasjon/om-oss/innsyn-og-postliste/moteoversikt/#/details/m-e8f93b5a_de8c_4fed_8410_71ae71ffb04f-1055!SSgunG

Arbeidsverkstad 3. april resulterte i handlingsplan til bygdevekst 2025. Lenke til vedtakssak i

juni 2025: https://www.solund.kommune.no/politikk-og-administrasjon/om-oss/innsyn-og-postliste/moteoversikt/#/details/m-e8f93b5a_de8c_4fed_8410_71ae71ffb04f-1062!bTY5Rq

Plan- og bygningslova: [Lov om planlegging og byggesaksbehandling \(plan- og bygningsloven\) - Lovdata](#)

Kva saka gjeld:

Kommunestyret skal i denne saka ta stilling til om samfunnsdelen til kommuneplanen for Solund kommune 2026 - 2038 skal sendast på høyring og offentleg ettersyn. Høyring og offentleg ettersyn skal kunngjerast i samsvar med lovkrav, og høyringsperioden vert sett til 6 veker.

Saksutgreiing:

Kort om samfunnsdelen til kommuneplanen

Samfunnsdelen til kommuneplanen er det viktigaste verktøyet vi har for å styre kommunen vår, og handlar om korleis vi skal utvikla tenestene og legge til rette for god samfunnsutvikling. Planen har både eit langsiktig og eit kortsiktig perspektiv, og bygger på viktige utfordringar og moglegheiter vi har i kommunen. Den inneheld langsiktige mål som fortel oss kva retning vi ynskjer å utvikle oss i, og syner kva vi må gjere for å nå måla våre.

Forankring og rammer for arbeidet med samfunnsdelen til kommuneplanen

Arbeidet med samfunnsdelen til kommuneplanen er forankra i planstrategien til Solund kommune, der kommunestyret har vedtatt at vi skal revidere samfunnsplanen. Rammene for arbeidet med samfunnsdelen er lagt i vedtatt planprogram for revisjon av samfunnsdel til kommuneplanen for Solund. Her er det lagt føringar for blant anna kor omfattande revisjonen skal vere, prosess, framdriftsplan og prioriteringar.

I arbeidet med kommunal planstrategi og planprogram til samfunnsdelen vart det arbeida fram fem prioriteringar. Desse kjem fram i vedteke planprogram saman med andre føringar for arbeidet. Utklipp frå planprogram og vedtak av planprogram følgjer:

- ... i tråd med **gjeldande føringar**, nasjonale og lokale utfordringar, og ynskja utvikling.
-**behalde struktur** og gjere justeringar i gjeldande samfunnsdeldokument.
- *Proessen i førre revisjon var omfattande og med bakgrunn i dette så vert det tilrådd ei **liten revisjon**. Ein ser likevel behov for justeringar i samband med det som er kartlagt så langt i prosessen med kommunal planstrategi.»*
-**det er aktuelt å endre på prioriteringar** i planen, i tillegg til å endre på handlingsplanen til dei enkelte temaa (korleis).
- (KOM 26.09.24) ...**vidareføre retninga** i gjeldande plan.
- (KOM 26.09.24)**har ein gjort ei vurdering av satsingar og prioriterte område** i eksisterande plan, slik dei er omtala vidare i dette dokumentet.
- (KOM 26.09.24)**har det peika seg ut fem område som ein vil setje særleg fokus på i komande periode**. Her er det behov for å justere satsingar ut frå endringar og behov i samfunnet.... Desse temaa er:
 - **Arbeid**
 - **Bumiljø og bustader**
 - **Samferdsle og infrastruktur**
 - **Kultur og frivilligheit**
 - **Arbeidsmåtar i ei ny tid**

Planprogrammet for samfunnsdelen og planstrategien omtalar regionale og nasjonale føringar for planprosessen:

- [FNs bærekraftsmål](#) Bryllaupskakemodellen (figur under) seier at berekraftsmåla innanfor økonomi må jobbast for på ein slik måte at dei ikkje går på bekostning av klima og miljø, og sosial forhold. Men skal det vere eit livskraftig samfunn i Solund, så må måla balanserast. Prioriteringane i planprogrammet synleggjer at følgjande berekraftsmål vert prioritert med eit Solund-perspektiv i den komande perioden:
 - Mål 2 Utrydde svolt, oppnå mattryggleik og betre ernæring, og fremje berekraftig landbruk (Prioritering 2)
 - Mål 3 Sikre god helse og fremje livskvalitet for alle, uansett alder (Prioritering 4 og 5)
 - Mål 4 Sikre inkluderande, rettferdig og god utdanning og fremje moglegheiter for livslang læring for alle (Prioritering 4 og 5)
 - Mål 8 Fremje varig, inkluderande og berekraftig økonomisk vekst, full sysselsetjing og anstendig arbeid for alle (Prioritering 2 og 5)
 - Mål 9 Byggje solid infrastruktur og fremje inkluderande og berekraftig industrialisering og innovasjon (Prioritering 3)
 - Mål 10 Mindre ulikskap (Prioritering 2, 3 og prinsipp)
 - Mål 11 Gjere byar og lokalsamfunn inkluderande, trygge, robuste og berekraftige (Prioritering 1)
 - Mål 13 Handle omgåande for å motarbeide klimaendringane og konsekvensane av dei (Prioritering 5)
 - Mål 16 Fred, rettferd og velfungerande institusjonar (Prioritering 5)
 - Mål 17 Samarbeid for å nå måla (Alle prioriteringar)



-
- [Nasjonale forventninger til regional og kommunal planlegging 2023–2027 - regjeringen.no](https://regjeringen.no) seier noko om forventningar til planlegging, og legg blant anna vekt på at kommunal planlegging ikkje skal gjerast meir omfattande enn nødvendig og at berekraftsmåla skal ligge til grunn for planlegginga.
- Utviklingsplanen til Vestland fylkeskommune [upvl-2024-2028-regional-planstrategi.pdf](#) med sine fire hovudmål, har lagt regionale føringar for planarbeidet.

Organisering, prosess og medverknad for planarbeidet

Arbeidet med samfunnsdelen til kommuneplanen har følgd organiseringa som ligg i vedtatt planprogram, med formannskapet som politisk styringsgruppe, og kommunedirektøren si leiargruppe som administrativ styringsgruppe.

Arbeidet med kommunal planstrategi og revisjon av samfunnsdel må sjåast i samanheng, og tidslinja i prosessen ser difor slik ut:

- 25. januar 2024: Arbeidsverkstad i kommunestyremøte med arbeid kring styrkar, utfordringar, kunnskapsbehov og nye tankar. Her deltok Solund Næringssamskipnad og leiargruppa.
- 15. februar 2024: Arbeidsverkstad i kommunestyremøte med arbeid kring samferdsel, næring, kommunesenteret, kommunal drift, og kultur og frivilligheit. Her deltok tre representantar frå ungdomsrådet, leiar for fellesråd for eldre og menneske med nedsett funksjonsevne, saman med fleire frå leiargruppa.
- 28. februar 2024: Arbeidsverkstad i kommunalt møte med lag og organisasjonar med arbeid kring styrker, utfordringar, kvifor vi er god på frivilligheit og kva frivilligheita treng. Her deltok ordførar, varaordførar og representantar frå administrasjonen.
- 18. april 2024: Vedtak om høyring på kommunal planstrategi, og vedtak om planoppstart revisjon av samfunnsdelen i kommunestyre. Sakene var først i ungdomsrådet og fellesråd for eldre og menneske med nedsett funksjonsevne.
- 13. juni 2024: Vedtak av kommunal planstrategi i kommunestyret. Saka var først i ungdomsrådet og fellesråd for eldre og menneske med nedsett funksjonsevne.
- 26. september 2024: Vedtak av planprogram for revisjon av samfunnsdelen i kommunestyret. Saka var først i ungdomsrådet og fellesråd for eldre og menneske med nedsett funksjonsevne.
- 20. mars 2025: Drøftingssak i formannskapsmøte for avklaringar kring planprogram og handlingsplan bygdevekst.
- 3. april 2025: Arbeidsverkstad i kommunestyremøte der det vart jobba med handlingsplanen til bygdevekst.
- 5. juni 2025: Drøftingssak i formannskapsmøte der det vart lagt fram drøftingssak til konkrete delar av gjeldande plan. Vedtak: «*Solund formannskap ynskjer at politisk leiing vert tidleg involvert i arbeidet med handlingsplan. Det vert gjennomført nytt arbeidsmøte for grundigare å gå gjennom overordna del av samfunnsdelen.*»
- 11. september 2025: Arbeidsverkstad i formannskapsmøte.

Det som har skjedd på tidslinja her ligg til grunn for det reviderte dokumentet som ligg vedlagt i saka. I tillegg har det vore gjennomført ein prosess internt i administrasjonen som starta hausten 2023 med evaluering av gjeldande plan og utfordringane for dei ulike sektorane.

Om framlegget til samfunnsdelen

Framlegget har forhalde seg til føringane i vedteke planprogram som peika på over, saman med innspel i arbeidsverkstader, og politiske og administrative møter. Det er brukt opp att tekst frå gjeldande plan, i den grad det har stemt med realitetane og det har vore formålstenleg. Samfunnsdelen slik den vert lagt fram i denne saka oppfyller krava i plan- og bygningslova. Det er difor ikkje lovpålegg som krev ytterlegare høyring og offentlig ettersyn på plandokumentet, og dette er å rekne som nest siste steg i samsfunnsdelprosessen, før endeleg vedtak av plandokumentet etter høyring.

Tittelen på planen er framleis den same: "Vi skaper framtida i lag". Tittelen seier noko om at alle har eit høve til å delta og påverke samfunnet i Solund, og at alle har eit ansvar for at Solund skal vere ein kommune der alle føler seg inkludert og sett. Det seier også noko om at ei framleis positiv utvikling i Solund er avhengig av samarbeid og samskaping.

Framlegget til plandokument er strukturert som den gjeldande planen. I kapittel 1 finn ein ei innleiing med omtale av kva ein samfunnsdel er og revisjonen i denne omgang. I same kapittelet kan ein lese om styrker og utfordringar som Solund har med seg i arbeidet framover.

I kapittel 2 teiknar vi eit bilde av korleis vi vil ha det i framtida - lagsiktige mål for planperioden fram til 2038. I vedlagt framlegg er det foreslått eit nytt omgrep på desse måla - *Solund 2038*. Prinsippa for arbeidet til Solund er også omtala her: Berekraft, tryggleik og inkludering. Arbeidet med prinsippa vert gjort gjennom arbeidet med prioriteringane og anna arbeid.

- Berekraft er definert som arbeid for å bidra til å nå berekraftsmåla og dei prioriterte måla i planarbeidet: 2, 3, 4, 8, 9, 10, 11, 16 og 17 (sjå ovanfor).
- Tryggleik handlar primært om tryggleik for liv og helse, sett i eit totalbredskapsperspektiv. I dette ligg behovet for ein totalberedskap i samfunnet med stor breidde av aktørar, frå kommunar og naudetatar til næringsliv og frivilligheit. Aktørar som er budde i møte med meir og mindre overraskande og uventa hendingar, både sivile, militære, naturgjevne og menneskeskapte.
- Inkludering er å ta menneske med i eit fellesskap, og å sørge for at dei kan delta.

I kapittel 3 finn ein prioriteringane for perioden. Dette er prioriteringar for perioden 2026 - 2028:

1. Varierte bustadtilbod og gode bukvalitetar
2. Livskraftig næringsliv i Solund
3. Samferdsel og infrastruktur for framtida
4. Kultur og frivilligheit for fellesskap, engasjement og livskvalitet
5. Arbeidsmåtar i ei ny tid

Prioriteringane skal bidra på vegen til å få det samfunnet som vi ynskjer i 2038, og løysast på ein slik måte at ein bidrar til å arbeide med dei utvalde berekraftsmåla. Prioriteringane kjem direkte frå vedteke planprogram for revisjonen. Det er nokre moment som ein kan merke seg: Prioritering nummer to - Livskraftig næringsliv - handlar blant anna om arbeidskraft og rekruttering inkludert kommunen som arbeidsgjevar. Medan prioritering nummer fem - Arbeidsmåtar i ei ny tid - omtalar primært kommunal organisasjon, men i samarbeid med andre aktuelle aktørar.

Alle prioriteringane har målsetting. Strukturen i teksten på kvar prioritering er fast, med eit avsnitt for kvar del:

- Definisjon og innramming av prioriteringa.

- Status på temaet
- Behovet
- Prioriteringa sitt bidrag til dei langsiktige målsettingane - *Solund 2038*.
- Kva vi vil/strategiar. Det er denne teksten som set retning på prioriteringa.

Det er konkretisert nokre satsingar under prioriteringane.

- Etablere og vidareutvikle hamnesentrum med tettstadsfunksjonalitet – Regulering av sentrum på Hardbakke (under prioritering 1)
- Auke Solund sin attraktivitet som ein stad å bu (under prioritering 1)
- Styrke næringsutvikling og jobbmarknad (under prioritering 2)
- Førebu nytt trafikkmønster internt i kommunen (under prioritering 3)
- Solund i samspel (under prioritering 4)
- Tydeleggjere og styrke kommunen si rolle som tilretteleggjar samfunnsutvikling i ei ny tid (under prioritering 5)

Teksten på kvar prioritering er utarbeida på bakgrunn av medverknadsarbeidet som er nemnt tidlegare i saka.

Ein arealstrategi er kommunen sine overordna prinsipp for framtidig arealbruk. I planprogrammet er det sagt at det skal utarbeidast ein arealstrategi. Dette er ikkje gjort i denne fasen. Solund kommune har ikkje eigentleg ein arealstrategi i gjeldande plan, men kapittel 4.9 Berekraftig arealbruk er det næraste ein kjem. Det kan vere aktuelt å ta denne med direkte vidare.

I vedlegget er det kome til to nye kapittel:

- Oversikt over mål og satsingar - dette er ein oversikt over mål og satsingar på ei side som gjer det lettare å få oversikt.
- Om planen - ein omtale av innhaldet i planen og oppbygginga av strukturen

Vedlegget i gjeldande plan inneheld, handlingsprogrammet, meir om status og utfordringar, omtale av plansystemet, og referansar og kjelder.

Samfunnsdel og bygdevekst

Dei førstkomande åra er satsingane delvis dei same som delmåla i Bygdevekstavtalen. Bygdevekstavtalen er forankra i Solund kommune sin samfunnsdel 2020 – 2030. Samfunnsdelen for 2026 – 2038 skal ha same retning som gjeldande plan, jamfør planprogrammet for revisjonen. Bygdevekstavtalen er eit verktøy som vi brukar for å jobbe med dei prioriteringane som Solundsamfunnet likevel skal jobbe med dei komande åra, slik at bygdevekstarbeidet gjenspeglar delar av samfunnsdelen. Styrima på satsingane som vert løyst gjennom bygdevekst, skjer gjennom Bygdevekstavtalen og dei årlege handlingsplanane fram til 2028. Dette gjeld satsingane:

- Etablere og vidareutvikle hamnesentrum med tettstadsfunksjonalitet – Regulering av sentrum på Hardbakke
- Auke Solund sin attraktivitet som ein stad å bu
- Styrke næringsutvikling og jobbmarknad
- Tydeleggjere og styrke kommunen si rolle som tilretteleggjar samfunnsutvikling i ei ny tid

Dei andre satsingane vert konkretisert i handlingsplanen saman med prioriteringane.


Vidare prosess og oppfølging av samfunnsdelen

Framlegget frå kommunedirektøren tilseier ei høyring av kommuneplanen sin samfunnsdel på seks veker. Når høyringsperioden er over vert plandokumentet revidert basert på

innkomne innspel, og deretter vert sak lagt fram for politisk vedtak så snart dette er formålstenleg.

I planprogrammet står det: *“Dette er alle tema [dei fem prioriteringane] i gjeldande samfunnsdel, og det er aktuelt å endre på prioriteringar i planen, i tillegg til å endre på handlingsplanen til dei enkelte temaa (korleis). Det er jo ein del ting i handlingsplanen som er utført og kan takast bort, og det er synleggjort i kommunal planstrategiprosessen at andre ting truleg må leggest til.”*

Det ligg difor ingen veldig tydelege føringar for korleis prosessen med revisjon av handlingsprogrammet skal vere. Oppfølginga av samfunnsdelen skjer hovudsakleg gjennom økonomi- og budsjettplanlegging. Med bakgrunn i dette vert det lagt fram forslag om at det vert samla innspel til handlingsdelen administrativt, frå ungdomsrådet og fellesråd for eldre og menneske med nedsett funksjonsevne, saman med lag og organisasjonar og næringslivet. Møtepunkt vert i eksisterande fora. Desse innspela vert samla i ein oversikt utarbeida av administrasjonen som drøftingsgrunnlag med ei administrativ tilråding til prioritering saman med økonomiplansaka i junimøtet. I dette møtet får formannskap og kommunestyret komme med eigne prioriteringar som tilføyning i tråd med eigne valprogram inn i dette drøftingsgrunnlaget. I junimøtet og økonomiplanmøta utover hausten, må det prioriterast frå dette handlingsprogrammet på lik linje med andre prioriteringar i økonomiplansaka for det komande året. Dette er eit grep som vert foreslått for å jobbe med handlingsprogrammet og økonomiplanen samla, og vedtak av handlingsplanen vert difor i økonomiplansaka i desember.



Vurdering:

Revisjonen av samfunnsdelen skulle i denne omgang vere ein *liten revisjon*, og det er det som er lagt opp til i planframlegget. Det er likevel gjort dei nødvendige grepa ved at det som er utdatert er teke ut, det er teke omsyn til dei nye føringane, retninga er behalde og medan prioriteringane er endra i tråd med føringane frå planprogrammet. Strukturen er behalde sjølv om det er gjort nokre mindre grep for å tydeleggjere strukturen, blant anna gjennom vedlegget med oversikt over mål og satsingar. Dokumentet er noko lenger enn førre plan, og det kan vere eit alternativ å legge alle avsnitt med status og behov (avsnitt 2 og 3) på kvar av prioriteringane i *vedlegget*. I tillegg vert det tilrådd å ta ut: meir om status og utfordringar, omtale av plansystemet, og referansar og kjelder, frå vedlegget i gjeldande plan. Dette er moment som ein finn i kunnskapsgrunnlaget til planstrategien, i planstrategidokumentet og i planprogrammet til revisjon av samfunnsdelen.

Kommunedirektøren meiner at ei god involvering av både politikarar - som representativt demokrati, og leiargruppa - har lagt eit godt grunnlag for samfunnsdelen som eit overordna styringsverktøy med dei føringane for revisjonen som ligg i planprogrammet. I tillegg var råda og næringslivet inne tidleg i prosessen, saman med lag og organisasjonar. Planprogrammet var på ordinært vis på open høyring for alle, og det same skal plandokumentet i tråd med denne saka.

I samfunnsdelen er det nytta ein gjennomgåande målstruktur med langsiktige mål, kortsiktige prioriteringar og satsingar. Det er ei målsetting å kople denne målstrukturen tydelegare til økonomiplanen og årsrapporteringa. For å sikre oppfølging av samfunnsdelen er det avgjerande å få til eit realistisk og godt forankra handlingsprogram, og ei god kopling til økonomiplanen. Kommunedirektøren gjer difor framlegg om at handlingsplanprosessen og økonomiplanprosessen vert slått saman. Vurderinga er at dette vil tydeleggjere denne koplinga.

Å ha ein arealstrategi vil gje betre politisk styring over arealbruken og gjere arbeid med planprosessen for arealdelen meir føreseieleg. Solund kommune skal ikkje revidere arealdelen i denne omgang, men har fleire reguleringsplanar på arbeidslista. Dei fleste av desse reguleringsplanane er enten omlag i tråd med arealplan eller det gjeld areal som i stor grad allereie er utbygde. Føringar i arealstrategien vil difor ha mindre å seie for desse reguleringsarbeida. Det vert difor tilrådd å ta ei stilling til kapittelet Berekraftig arealbruk i arbeidet med handlingsprogrammet.

Kommunedirektøren meiner at utkastet til samfunnsdelen omfattar viktige trendar, utfordringar og moglegheiter i samfunnet vårt, og speglar det innbyggjarar, næringsliv, frivillige og andre er opptekne av. Kommunedirektøren vurderer samla sett at utkastet til samfunnsdelen i stor grad famnar om våre viktigaste utfordringar og moglegheiter, og legg til rette for utvikling av Solundsamfunnet. Målsettingane i samfunnsdelen er både langsiktige og kortsiktige, og legg slik sett til rette for at vi som kommune kan ta rolla som ein aktiv samfunnsutviklar. Kommunedirektøren tilrår at utkast til samfunnsdelen til kommuneplanen for Solund 2026 -2038 vert sendt på offentleg høyring, med ein høyringsperiode på seks veker. Ein revisjon av design kan gjerast etter vedtak av dokumentet.

Moment som er spesielt viktig at kommunestyret tek stilling til:

- Om planen skal kortast ned ved å flytte status og behov på dei ulike prioriteringane bak i planen.
- Om prioriteringane har med seg dei viktige overordna momenta i forhold til kva vi vil/strategiar. (Siste avsnitt på kvar prioritering - ikkje satsingar.)
- Om skissert prosess med handlingsplanen er riktig veg å gå. Dersom dette ikkje er riktig løysing må administrasjonen få eit tydeleg vedtak om korleis dette skal løysast, og få lage ein prosessplan på dette.
- Om medverknaden i lokalsamfunnet har vore tilstrekkeleg.

